



Indgået

20 FEB. 2017

Ineqi Kielsen
Inatsisartunut ilaasortaq, Siumut

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqqu 72, paasissutissanut inunnut tunngasunut tunngasoq

Allakkat ulluat:17/2-2017

Asasara Ineqi Kielsen,

Suliap nr.-a
2017 - 3294
Akt. nr. 4536165

Paasissutissat inunnut tunngasut illersorneqarnissaat pillugu apeqqu tinnut,
Naalakkersuisut sinnerlugit matuma ataani akisassannut, qujanaq.

Postboks 1029
3900 Nuuk
Tlf: +299 34 50 00
Fax: +299 32 20 73
Email: ikiin@nanoq.gl
www.nanoq.gl

Apeqqu: Naalakkersuisut allagaateqarnikkut immikkut pingaaruteqassutsinut imaluunniit inunnut ataasiakkaanut tunngassuteqassusaannut tunngatillugu illersuisunik immikkoortiterinernut maleruagassaqarpat?

Akissut: Naalakkersuisut, F2, Namminersorlutik Oqartussani sulianik aamma allagaatinik suliarinnittarnermut systemi elektroniskiusoq atuutilersinnikuuat. F2 aqqissuussaavoq Namminersorlutik Oqartussat suliassanik suliarinnittarnermi inatsimmi, allagaatinik toqorterineri inatsimmi aamma kingullertut inunnut paasissutissanik suliarinnittarneq pillugu peqqussummi piumasaqaatinik eqqortitsinissaannik qulakkeerinnittuulluni.

Teknikkikkut isumannaallisaanerup naammaginatsumik ingerlanneqarnissaanut akisussaaffik Digitalimik Sullissinermit Aqutsisoqarfimmi inissisimavoq, taamaalillunilu taanna Inunnut paasissutissanik suliarinnittarnermi peqqussut naapertorlugu paasissutissanik suliarinnittartutut inissisimalerluni.

Digitalimik Sullissinermit Aqutsisoqarfik ilitsersuutini aamma periutsinik suliaqartarpoq, teknikkikkut isumannaallisaanerup eqqortinneqarnissaanik qulakkeerinnittumik. Digitalimik Sullissinermit Aqutsisoqarfiup ingerlatsinermit immikkoortortaa akuersisimatinnagu Namminersorlutik Oqartussat IT'eqarnikkut attaveqaataanik allannortitsisoqaqqusaanngilaq, aamma serverinik nutaanik ikkusisoqaqqusaanani. Taamaaliornikkut IT'eqarnikkut systeminut allanut isumannaallisaanikkut aarlerinaataasinnaasunik kinguneqarsinnaasumik allannortitsinerit pinngitsoortinneqarput.

IT'eqarnikkut systeminik atuisinnaanisamik tunniussineq Digitalimik Sullissinermit Aqutsisoqarfimmit aqunneqarpoq. Namminersorlutik Oqartussat IT'eqarnikkut systemiinut atuisinnaanerit tamarmik Namminersorlutik Oqartussat Active Directoryanit (AD) aqunneqarput. Atorfininninnermut aamma atorfimmit tunuarnermut atatillugu ingerlatseriaatsimik malitassaqarpoq. Taakku suliarineqartarnerannut immersugassat digitaliusut intranettimi nanuaraq.gl-imi nassaassaapput.

Immikkut isumannaallisaatit IT'eqarnikkut systeminut isersinnaanerit tamaasa Digitalimik Sullissinermut Aqutsisoqarfiup peertarpai, taakku qaammatini 13-ini atorineqarsimanngikkaangata. IT'eqarnikkut pisiortorfiit atuisinnaanerit piffissami aalajangersimasumi inunnu ataaasiakkaanut taamaallaat tunniunneqartarput. Tamatuma saniatigut IT'eqarnikkut systemit tamarmik iserfigineqartarput, taamaaliornikkut nakkutigineqarsinnaalersillugu kikkut aamma sumut isersinnaasimanersut.

Paasissutissat inunnu tunngasut illersorneqarnissaat aamma inuit pissusilersuutaannut tunngavoq, aammalu sulisut tamatumingga paasinnissimanissaat immikkoortortap paasissutissanik akisussaasuusup akisussaaffigiva.

Immikkoortortat teknikkikkut ikiorserneqarput, allagaatit elektroniskiusut nutaat F2-mi tiguneqartut tamatigut isumannaallisaat "Involveret" atorlugu tiguneqartarlutik. Tamanna ima isumaqarpoq, sulisoq tiguisoq kisimi allagaammik takunnissinnaasoq. Tamatuma kingorna sulisup allagaat tiguneqartoq suliamut eqqortumut inississavaa, aammalu takunnissinnaasussatut "Enheden"-imut inissillugu.

Isumannaallisaanermik suleqatigiit aalajangertarpaat inuit kikkut allagaatigineqartumik takunnissinnaassanersut. Sulisup nammineerluni suliaq imaluunniit allagaat aaqqissuussinnaavaa, taamaalillunilu suleqatini suliamik allagaammilluunniit takunnissinnaangortillugu, tamanna pisariaqartinneqarpat. Teknikkikkut periutsimut aalajangersimasumut tunngatillugu allannguutit aaqqissuussaannikkut isumannaallisaanerp ataanippoq, taamaalillunilu immikkoortortap paasissutissanik akisussaasuusup akisussaaffigalugu.

IT'eqarnikkut systeminut tamanut piumasaqaataavoq isumannaallisaanermik pisariaqartitsineq aalajangersarneqassasoq. Isumannaallisaanissap nalilerneqarnera qaffasitsillugu teknikkikkut ingerlatsinermut aamma aserfallatsaaliuinerit aningaasartutit qaffasinnerussapput. F2 Namminersorlutik Oqartussani immikkoortortani tamani IT'eqarnikkut ataatsimoorussamik systemiummat pisumi matumani qaffasissuseq qaffasinnerpaaq pineqarpoq.

Digitalimik Sullissinermut Aqutsisoqarfiup aamma immikkoortortaqaarfiit ataaasiakkaat akornanni akisussaaffiit erseqqissarniarlugit Digitalimik Sullissinermut Aqutsisoqarfik paasissutissanik suliarinnittartunut aalajangersimasumik isumaqatigiissutissamik suliaqarluni aallartippoq, immikkoortortaqaarfiit paasissutissanut akisussaasutut aamma Digitalimik Sullissinermut Aqutsisoqarfiup paasissutissanik suliarinnittartut akisussaaffiik erseqqissaataasussamik.

Innersuussutigineqarsinnaangilaq allagaatit elektroniskiusut Namminersorlutik Oqartussat IT'eqarnikkut systemiisa avataanni immikkoortortaqaarfinit toqqortaatigineqarnissaat. Ilumoorpoq Namminersorlutik Oqartussat IT'eqarnikkut systemii attaveqaatitigut ajoqusiiniutinit nalaanneqarsinnaammat, kisianni Digitalimik Sullissinermut Aqutsisoqarfik, Namminersorlutik Oqartussat ingerlatsinermut- aamma attaveqaatinik pisiortorfia aamma applikationinik pisiortorfiit sapinngisartik tamakkerlugu ajoqusiiniarnerit taamaattut pitsaaliiorlugillu akiorniarsarivaat.

Allagaatit elektroniskiusut Namminersorlutik Oqartussat IT'eqarnikkut systemiisa avataanni toqqortaatigineqarpata taakku taama isumannaatsigissanngillat. Assersuutigalugu taakku USBimi toqqortaatigineqarpata, tillinneqarnermikkut tammarsinnaapput imaluunniit tammaannavissinnaallutik. Namminersorlutik Oqartussat sulinerit qarasaasiaanni paasissutissat tammarnissaat aamma qaffasippoq.

Qarasaasiaq isaterneqaraangat harddiskiata imai kimilluunniit takuneqaratik aserorterneqartarput.

Allagaatit elektroniskiusut Namminersorlutik Oqartussat IT'eqarnikkut systemiisa avataanni toqqortaatigineqarpata immaqa paasissutissat pissaanilinnit avataaneersunit imaluunniit pinerluttunit pissarsiarineqarsinnaannginnerinik kinguneqassaaq. Akerlianilli paasissutissat tammarnissaannut aarlerinaat annertooujussuulluni.

Inussiarnersumik inuulluaqqusillunga
Med venlig hilsen



Doris Jakobsen